

«**Օժանդակեաց շինութեան տաճարիս հինգ հարիւր ըուբլի դրամօք Բագուաբնակ բարեպաշտ իշխան Պ. Գէորգ Յովհաննէսեան Գալանթարեանց, յամի Տեառն 1881**»:

Տաճարիս շինութեան վերայ յիրաւի շատ ու շատ աշխատել էր Գեր. Նախորդս երկու անգամ Բագու դնալով և վիճակի քաղաքները և գիւղերը շրջելով՝ օժանդակութիւն ժողովելոյ շինութեան համար՝ յընթացս 9 ամաց (9671 ը. 13 կոպ.) ինն հազար վեց հարիւր եօթանասուն և մէկ ըուբլի և 13 կոպ. ըստ տօմարին շինութեան զուժարելով և ծախսելով:

Բայց ինչպէս ծանօթացայ գործին և ստուգեցի, շինութեանս վերայ բաւական աշխատել են նա՛ և բարձր. Համագաստ վարդապետն Համագաստեանց և Սաղիանի Սահակ քահանայն, և մեր Պարոն Ատենադպիր Արբահամբէկն, ինչպէս և մեր ժամանակը՝ շինութեան վերջին մասն և թերութիւնը լրացնելոյ պատճառաւ՝ ո՛չ սակաւ աշխատեցին յիշեալ քահանայն և ատենադպիրն, որոնց բացի բերանացի շնորհակալութիւնս յայտնելէն, ահա և հրապարակաւ յայտնեմ զըրով զոհուակութիւնս:

Շինութեան թերութիւնը լրացնելոյ համար՝ ծախսեցաւ ըստ տօմարին (1633-մանէթ 80 կ.) հազար վեց հարիւր երեսուն երեք մանէթ և ութսուն կոպէկ, որոյ հազար մանէթն զանազան մարդկանցից և վանքական այգւոյ երկամեայ կապալադրամովը լրացաւ, իսկ 633 մանէթն ու 80 կոպ. նուիրեցին Սաղիանցիք: Մնացել է միայն տաճարի կաթուղիկէն շինելու, որոյ ծախսը՝ յուսով եմ, որ Բագուեցի բարեպաշտ ազգայինք չեն խնայել չընորհելու, որն եթէ Ջամախուոյ Հայոց եկեղեցւոյ գմբէթի նման թիթեակութեան համար, շինուի փայտով և ժեշտով՝ ծախս կըլինի 5 կամ 600 ըուբլի: <sup>1)</sup>

Վերջապէս 'ի 5-ն հոկտեմբ. 1887 ամի № 65. յայտարարութեամբ զիմելով Վեհափառ Կաթուղիկոսին և յայտնելով տա-

<sup>1)</sup> Վանքի տաճարի գմբէթը շինուեց 1893 թուին (մայիս, յունիս, յուլիս) որոյ նկարագրութիւնը տես գրքիս 94 երեսում: